

**ՋԻԳԱՐՈՎ ՊԱԽՐԵՆ / Հայ ժողովրդական հեքիաթներ, Հատոր VIII / Գուգարք (Լոռի), Լոռու
քարքառ (խոսվածք)**

Մի քյասիբ մարթ ու կնիկ են ըլլւմ: Դրանք սրա նրա տանը նոքարութիւն են անըմ, օրեն
ըշխատածով իրանց գլուխը պհըմ: Կնիկը պատճառավոր ա դառնըմ, նաչարի մարթը աղի
հմար փետ կտրելիս՝ ծառը վրեն վեր ա ընգնըմ, մեռնըմ: Կնիկը մնըմ ա մենակ: Խտոր
ընգնելու վախտը տենըմ ա, ոչով իրանց դուռը բաց չի անըմ, հլե տհե գնըմ ա ծառի տակին
նստըմ ա՝ լաց ըլլւմ: Ցավը բռնըմ ա, ըտի էվետ ազատվըմ ա: Հմա նաչարի նուրը կտրած ա
ըլլւմ, ըրելիսն ծիծ ա տալի, հմա կաթը ո՞ր դիհանց գա:

Քորփեն որ լաց ա ըլլւմ հա, մերը միկտալով ասըմ ա.—

Նանա՛, նանա՛ Օրսագուլ,

Պախրեն կգա ծիծ կտա,

Ջիգար չունենա՛ քիչ կտա,

Քամին կգա ժած կտա,

Մանգրատերևը փափկոց կլի:

Լենատերևը ծածկոց կլի:

Էն եղատարը տհե երբըմ ա ու հետն էլ լաց ըլլւմ: Տհե որ ոչով տեր ու տիրական չի դուս գալիս,
իրան նուրն էլ կտրըմ ա, ֆոքին տալիս ա: Եդո ըդորթ պախրեն գալիս ա ծիծ ա տալի, մանդրը
տերևնին էլ տակին փափկոց են ըլլւմ— լենտերևնին էլ ծածկոց են դառնըմ, քամին էլ ըրորըմ
ա:

Էդ վախտը մի թաքավոր իրա գորքերով էկած ա ըլլւմ Էդ ծմակը ֆորսի: Պախրին տենըմ են թե
չէ, տալիս են սպանըմ: Որ գալիս են տենըմ պախրի ծիծն Էդ ըրելիս բերնըմը, ըրելիս մերն էլ
կոխկին ֆոքին տված ա, կուռներուն թիլանըմ ա, մնըմ են հուշ էլած:

Ասըմ են.— Պախրեն մարթկերանցից ջիգարով ա: